

ALEXANDRI  
NEVYLLI  
AD VVALLIÆ PROCE-  
RES APOLOGIA.

3422

2

Neville (R.)  
K



NVM.

XXI.

LONDINI,  
*Ex officina Henrici Binnimani,*

Anno salutis humanæ. 1617. 12. JXXVI.

Maj. XII.



# Alexandri Nevylly An- gli ad Walliæ Proceres Apologia.



**M N I V M** iam pænè  
sermone (viri amplissimi)  
percrebuit (idq; mihi sū-  
mo sanè dolori est) vestro-  
rum me vocibus ubique,  
maledictisq; conscindi:  
magnamq; mihi (tanq̃ summi sceleris reo)  
ex scriptis meis invidiam vndique conflari:  
perindè quasi eo in libro quem nō ita mul-  
tis abhinc diebus de **KETTIANO-**  
**RVM FVRORIBVS** pervulgavi,  
Genti vestræ (nescio quas) dedecoris & ig-  
nominiaē labes impresserim. Huic tā gravi,  
(ne dicā iniquo) crimini occurrēdum mihi  
primo quoquo tempore existimavi, ne ta-  
citur ultate mea, sparsos, & disseminatos de  
meo ergà vestros populares animo rumo-

res, si minùs comprobasse : at certè neglexisse viderer. Quanq̃ equidè si continuo simul ac quicquam in hominum voculas, reprehensionemq̃; incurrerit, id ipsum auctori capitis semper periculo præstandum erit, iam tum antè animo prospicio, qualis, quaque per difficilis, ac lubrica, cunctis historiã perscripturis, condicio proponatur: quemadmodumq̃; eorum salus (ni curæ ea principibus sit, ac summis in Republica viris) in dubium atque discrimen vocetur.

Verba mihi quædam obijciunt: quibus suam à me pollui dignitatē, contaminariq̃; querūtur: perindè ac si non eos dūtaxat homines, qui illa gesserūt quę scripsi, sed gentē vniversam oratione mea iniquissimè perstrinxerim. Equidè & me illa scripsisse fateor: & illos quæ à me scripta sunt minùs benignè interpretari permolestè fero. Nā quòd quosdam qui ad impedimenta stabāt *WALLOS*, perduellium multitudinē oppressos, & tantū nō circumventos, perterritos.

tos diffugisse scripsi, enim verò nec ea res in-  
 vidiã mihi parere, nec illis dolorem invrere  
 debebit. Siquidem omnes qui ad res gestas  
 oratione explicandas se conferunt, lege eã  
 quæ est de historia (*Ne quid falsi audeant,  
 ne quid autem veri non audeant*) astricti te-  
 nentur: & quæ de paucis vel singulis vnus  
 gētis hominibus, notatis & locis & tempo-  
 ribus traduntur, ea ad omnes sine summa  
 certè scribentium iniuria deriuari non po-  
 terunt. Quid? quod hoc ipso in libro sæpè à  
 nobis, ab alijs autem (qui nostrorum homi-  
 num res gestas monumentis consignarunt  
 suis) sæpius *ANGLI* disiecti atq; in fu-  
 gã impulsī feruntur, eonē vniversæ gentis  
 dignitati detractum arbitrare? An omnē  
 fugam (in bello præsertim) timiditati, & ig-  
 nauiaē ascripseris? Nihil fortune, nihil tem-  
 poris, nihil locorum iniquitati? nihil deniq;  
 imperatorum scientiæ reliqueris? Semper-  
 né aut vincendum, aut moriendum erit?  
 Neq; interdum (bono si id publico fiat) te

subducere (quando belli Mars est atrocissi-  
 mus, atq; vndiq; horribiles terrorum pro-  
 cellæ tempestatēque impendent) non lice-  
 bit? Placetne ergo rem ferocius quàm cō-  
 sultius gerere? Nostrosque duces *Flamini*  
 potius *Terentij*, quàm *Fabij* similes esse  
 malumus? quorum hic cunctando, fugiē-  
 doque, & in tuta se semper recipiendo, Ro-  
 manam priorum Imperatorum temeritate  
 prolapsam, restituit rem: illi verò (præfer-  
 vidi utiq; animi, atq; inconsulti) momento  
 temporis se, exercitusq;, exitiabili clade in-  
 volverant. Proindè ut non omnis, omni  
 tempore suscipienda pugna videtur, ne in  
 certam nostram, & haud dubiam Reipu-  
 blicæ perniciem, feroces ac præproperi ru-  
 amus, sic quædam (ut ita dicam) salutaris, &  
 non reprehendenda fuga existit. Adeo ut  
 per mihi bellè (quisquis ille regum fuit) cu-  
 idam cum cum suis effusiùs fugientem in-  
 crepanti, respondisse videtur: cum, non se  
 fugere quidem, sed concitatiorē cursu utilitatis  
 à tergo

à tergo sitas quærere vociferaretur. Quapropter his de causis omnis expers culpæ existimandus sum, tum quia res gestæ latis pro dignitate, nisi verè ac simpliciter, explicari nequeunt: tum quia ea quæ dixi, non ad vniuersam gentem, sed ad perpaucos & hostium multitudine, & locorum iniquitate in fugam compulsos, referri debent.

Quid quod meis etiam popularibus (si quando res postularat) non pepercerim? nonne indicio est me veritati magis quam cuiuspiam auribus inservisse? An si cætera uti gesta sunt omnia sincerè exposuero, hac vna in re prudens laberer, & teste hominū memoria (vivunt enim adhuc permulti qui illis tumultibus interfuerant) tantam meis scriptis plagam, tantam securim iniicerem?

Porrò, si omnis illa de *Wallorum* fuga (verè rem æstimantibus) culpa (sicuti dixi) vacet oratio (vacat autem proculdubio) in quo tandem (viri amplissimi) crimen heredit? An in eo quòd Genti vestræ nobilissimæ,



mæ, & (quod inter omnes constat) virtutis  
 laude præcellenti, oratione mea invidiosius  
 detraxerim? eamque (nam is quoque pas-  
 sim (vt audio) circumvolitat in circulis ser-  
 mo) ignaviæ maculis, turpissimæque igno-  
 minia notarim? Videlicet, is ego sum, qui tã  
 non modò cohærentia, verumetiam planè  
 repugnantia litteris mandarem. Qui cùm  
 hoc ipso in libro, eorum famam, res gestas,  
 belli gloriam in cœlum sustulerim, subito  
 mutata voluntate orationem retexerem: &  
 in quos omnium verborum ornamēta pri-  
 us cogesserã, ore demum eos impuro, ma-  
 ledicentissimoq; violarem. Quid ergò est?  
 Nimirum (illust. Heroës) sic se res habet.

Cùm esset mihi primùm (parvis ad scri-  
 bendum opibus & facultatibus prædito)  
 eius cōiurationis explicandæ necessitas im-  
 posita: (siquidē ab omni semper scriptione,  
 mea longissimè ratio, voluntasq; abhorre-  
 bat) contēderunt à me ij, quorum auspicijs  
 & inchoata res est, & perfecta, ne quid te-  
 merè



merè immutare, ne vò trāsversum (quod au-  
 unt) vnguē à litteris, & narrationibus quas  
 habebā discederem. Erant autem eæ civiū  
 quorundam *Norwicensium*, tennes plerēq;  
 & (vt opificum) inornatæ, sed tamen illius-  
 modi, vt si quādo ab earum auctoritate re-  
 cessum foret, omnis illa quæ in veritate cō-  
 sistit historiæ dignitas, depravari protinūs  
 exstinguique videretur. Itaq; cū omnis  
 nostra voluntas, his quasi alligata vinculis  
 esset, & cancellis circumscripta, religioque  
 esset, à præscriptis narrationum (quas dixi)  
 formulis recedere, si quā in re fortē quem-  
 piā offenderimns, nobis id quidē vitio verti  
 nō debet. Stilus enim verò atq; ornatus, rei-  
 que gestæ explicatio (qualis qualis fuit) no-  
 stra certē fuit: porrò res ipsas (perindē vt  
 omnes qui historias conscribunt) aliundē  
 desumimus. Ita si quid concinnē minūs,  
 minūs distinctē, si quid pro hominum, tem-  
 porum, locorum, rerumq; gestarum ratio-  
 ne decorē minūs expressero: id ipsum mihi

sanè præstandum erit. Cæterà si quis se  
læsū, violatū vè existimabit, causam su-  
stineant ij, qui nobis ad scribendum aucto-  
res exstiterunt. Quanquam ne ij quidem,  
præsertim cū consilia sua vniversa, nullū  
aliū in finem, nisi ad *DEI* imprimis, tū,  
huius regni gloriam, vtilitatemq; conver-  
terint.

Vos verò (viri ornatissimi) non ex vna  
aliqua sententiola, sed ex vniversa oratione  
mea, meum de vestræ Gentis amplitudine  
iudicium existimatote. Dicam enim, (quā-  
vis dici à me fortassis non debet) dicam ta-  
men audaciùs (æquitate fretus vestra, inno-  
cētia mea) neminem vnquam exstirpsse qui  
laudibus, vel iustioribus, vel maioribus, vel  
vberioribus, gētem vestrā condecorauerit.  
Legite meum quē nuper, de *NORVI-  
CO* conscripsi bellum: vsquequaquē sanè  
totus, maiorum vestrorum ornāmētis cir-  
cūfluit. Quantus ibi de vobis sermo? Quā  
magnificus? quam nō ad aliorū arbitrium,  
sed

sed ad animi mei sensum veritatemq; institutus? Quid quod *POLIDORVM* (hominē medius Fidius pereruditū,) Italum tamen, eoq; Romanorū laudibus inuerecundiū lenocinantem, vestrae autem virtuti apertē invidentem, omnibus omniū antiquorum scriptorum telis confixerim? Quid cū prisca illa (à *BRVTO* qui vestri princeps generis perhibetur) ad hāc ferē tempora oratione percurro, nonnē omnes industriæ meæ nervulos ad vestri nominis famā, æternitatemq; intendisse videor? Et plus mihi ad invidiā aliorum (nostro leuiter tinctus politusq; penicillo valebit error) quā firmum constansq; meum de vestra fama, fide, dignitate, fortitudine, iudiciū? Vestramnē ego violarem gentē? Ego amplissimis hominibus, & quā à maioribus, quā ab ijs qui nunc supersunt, bellī laude redundantibus, ignaviæ turpitudinem infligerem? Tantamnē vobis? vobis dico: immò mihi metipsi tantum dedecoris ignominiaq;

niaq; invrerem? Scilicet ita natus, educa-  
 tus, institutus sum. Nihil legeram, nihil au-  
 dieram, nihil scripseram, nihil videram vn-  
 quā. Non *CÆSAREM* (imperatorem  
 (Christe) quem & quantum?) Galliaē tū,  
 Germaniaēque triūphis, victorijsq; resplen-  
 dentē, à vestris repulsum maioribus, profligatumq; didicērā. Non (multis antē *CÆ-  
 SAREM* annis *BRENN* O duce)  
 captam Romam, incensam, direptam: non  
 tantam tanti imperij maiestātē penitus pæ-  
 nē extinctam atq; deletam. Non sæpē dein  
 acie depugnatum: non pulsas, protritas, cō-  
 cūcas, hostium cohortes, legionesque intel-  
 lexeram. Non Saxonum scelus, non perfidi-  
 am acceperam. Non illis denique duris-  
 simis temporibus vestrorū hominum for-  
 titudinem insignemq; virtutē cognoram.  
 Age verò post miseram illam, non maioriū  
 vestrorū inscitia, sed Saxonum scelere con-  
 tractam cladē, quanta semper fide, relli-  
 gione, sanctitate, vestri sub nostris regibus

maiores vixerunt? Quoties pro huius imperij maiestate decertarunt? Quoties devota pectora hostibus obiecerunt? Quoties domi, quoties foris, præclara Martis facinora ediderunt? *MATTHÆVS* ille *GOCH*, (vir immortalitate dignissimus) quantas in Gallia hostium, quantas domi seditionum civium strages fecerit quis ignorat? Quid hîc singulos? *HARBARTOS*? *MANSFIELDYOS*? *GAMMOS*? *GAMMAGIOS*? *MORGANNOS*? *VVACHANNOS*? *OVYNNOS*? *DAVYDDOS*? *LHVYDDOS*? *PRYSÆOS*? *RISEOS*? innumera-  
 bilesque alios virtute, fortuna, gloria, rebusque gestis amplissimos commemorem? Querite quibus legionibus nostri sæpè reges Gallum subegerint, reperietis profectò, ijs omnibus in bellis, summam vestrorum fidem, cum incomparabili semper fortitudine coniunctam exstitisse. Multa præ-

tereos, omnia enim persequi, neque temporis est huius, neque instituti. Ad vnum vestrorum hominum peregregium, & singulare facinus festinat oratio: quod ipsum fueritné nobis, rei que publicæ saluti: an vobis vestrisque gloriosius nemo dixerit.

Cum RICHARDVS eius tum nominis tertius, diro, atque infando scelere partum imperium, vi & armis tueretur, vestri parentes (vestri (inquam) viri amplissimi parentes) divinum illum virum & sapientissimum principem *HENRICVM SEPTIMUM*, profligatis acerrimo in bello exercitibus, cæsoque tyranno, suis penè manibus regia in sella collocarunt. Qua vna in re omnes omnium victorias, triumphosque superarunt. Etenim non illo duntaxat facinore (cum prius omnia intestinis arderent bellis) æterna & parta pax est, & imperij maiestas constituta: verum etiam innumere felicitates illinc ad nos tanquam à fonte profluxere: Hinc civibus salus, hosti ter-

sti terror **HENRICVS** : hinc genio  
 ingenio ter foelix **EDDARDVS** : hinc  
**MARIA** recenti clara memoria : hinc  
**ELIZABETHA**, non *ANGLIÆ*  
 modò lumē, sed totius terrarum orbis stel-  
 la. Hinc denique pax, pietas, religio.

Quæ omnia multaq; huiusce generis alia,  
 cū legerim, audierim, viderim, nonnul-  
 laque meis ipse monumentis prodiderim,  
 nonnē me omnium mortaliū non dico stul-  
 tissimum, sed planē furiosissimum, impor-  
 tunissimumque esse oportebit, si tantas lau-  
 des, tantam dignitatem, tantam domi,  
 foris, vbique, tam denique testatam omni-  
 bus, perspectam, cognitam fortitudinem,  
 adeò turpi & horribili mendacio comma-  
 cularem?

Præterea non mihi succurreret (arctis-  
 simum sanē ad concordiam vinculū) vnus  
 nos auspicijs, vnus imperio gubernari? v-  
 nis sacris, legibus, institutis contineri?

Porro autem si tot (quot antea dixi) ma-  
 iores



iores vestros vita functos aspernarer, eosq;  
oratione mea petulantius infectari voluis-  
sem: ecquid adhuc viventes, & gloriæ eti-  
amnum superstites suæ, atrocissimo male-  
dicto perfunderem? Hoc ipso die, hoc (in-  
quam) ipso (quo hæc scribuntur) die, quàm  
multos ex vestris proferre possem, insigni  
fortitudinis laude, virtutisq; decore circun-  
fluentes? Equidem quocunque me animo  
ac cogitatione conuerto, robora virorum  
cerno, & corpora planè heroica: quæ uti-  
nam nominare liceret, sed non licet: (neq;  
enim se forsan nominari volūt) & si velint,  
ne possint quidem: præsertim cum in tanta  
multitudine omnes enumerare infinitū fo-  
ret: præterire verò quenq; invidiosum.

*QVÆ* cum ita sint (neque enim ignoro  
quã vulgi sermone traducar) per ego for-  
tunas vestras vos (viri amplissimi) depre-  
cor, ne mea posthac in invidiã scripta vo-  
cetis, ne vestræ bellicosissimæ gentis dig-  
tatē illis quo pacto imminutā existimetis.

Tum

Tum si qua forsan in re tantulùm offensus, titubatumque fuerit, si quid popolare minùs, atque plausibile : si quid asperius, si quid durius, quid more denique historico liberiùs dictum videbitur : id vtique ne ad famam, existimationemvè vestrà, vestrorumvè, pertinere arbitremini: sed aut penitus ex animo deleatis vestro ; aut (quod Christianos decet) piè, benigneq; interpretemini. Quorum alterum humanitatis erit vestrae : alterum æquitatis.

*VAELTE.*

ALEXANDER  
NEVLLYS.

*Maij. xij. Anno. CIJ. IC. LXXVI.*

